



汾陽縣志卷之一

沿革 星野附

縣境於禹貢屬冀州於周職方屬并州

今汾州府屬之平遙介休皆南界大山其山自樂平
迤邐而西周時冀州并州蓋以山爲大限

春秋之季爲晉地

國語宰孔言景霍以爲城蓋晉獻公滅霍後其地北
至霍山霍山以北卽狄人所居左氏春秋魯襄公十
六年當晉惠公敗于韓之明年狄侵晉取狐廚受鐸
涉汾及昆都杜注云平陽臨汾縣西北有狐谷亭孔

沖遠謂狐廚受鐸皆在汾北狄自北而侵南涉汾水
昆都在汾南今臨汾縣南有昆都聚狐廚受鐸皆在
今襄陵縣卽北與狄鄰及魯昭公元年晉荀吳帥師
敗狄於大鹵始擴地北至太原
顧炎武日知錄云霍山以北皆狄地自悼公後始開
縣邑前此不見於傳

七國時屬趙

趙魏之分今靈石縣以南爲魏地自介休縣以北爲
趙地時趙西境南境並與魏鄰考秦本紀惠文君六
年魏納陰晉陰晉今華陰縣也八年魏納河西地六

國表作與秦河西地少梁十年魏納上郡十五縣魏
世家作盡入上郡於秦前此秦魏之界張守節云魏
築長城界秦自華州鄭縣以北濱洛至慶州洛源縣

白於山卽東北至勝州相陽縣東至河西是也

唐華州今

屬同州府慶州今爲慶陽府勝州卽
河套東境今鄂爾多斯左翼是其地今陝西華陰縣

西二里蒲城縣東五十里鄜州西南四里綏德州西

十五里皆有魏長城遺蹟然則魏未失陰晉少梁以

前其疆土在河西者南至華陰西至洛水北至今榆

林府之北而趙西邊邑與魏鄰踰魏之上郡乃至秦

故趙成侯三年當秦獻公十三年魏武侯十五年趙

世家云魏敗趙藺及秦孝公八年與魏戰取少陵越四年爲秦孝公十一年趙成侯二十四年趙世家始云秦攻我藺由是而後趙之藺離石中陽幾歲有秦兵相攻取不休趙恃以爲外蔽時失時復靡常藺離石卽今永寧州而藺兼臨縣地中陽卽今寧鄉縣臨永寧寧鄉值今交城文水汾陽孝義之西

秦爲太原郡之茲氏縣

史記秦本紀莊襄王三年初置太原郡夏侯嬰列傳從擊項籍卒定楚益食茲氏是茲氏之名漢以前有之矣酈道元水經注云縣故秦置也

楚漢之間爲西魏地

史記項羽本紀徙魏王豹爲西魏王王河東都平陽高祖本紀三年漢王遣將軍韓信擊魏大破之虜豹遂定魏地置三郡曰河東太原上黨

漢亦隸太原郡屬并州刺史部

漢書地理志太原郡茲氏莽曰茲同後漢郡國志同

晉徙漢之隰成縣於茲氏境改爲城省茲氏入焉隸

并州西河國

漢西河郡有隰成縣莽曰慈平亭水經注離石水南流逕

離石縣故城西又南出西轉逕隰成縣故城南其水

西流注於河今永寧州治卽古離石漢隰成故城在州西六十里穆村遺址猶存晉書地理志西河國領離石隰城中陽介休四縣李吉甫元和郡縣圖志云晉改茲氏爲隰城縣是也顧祖禹讀史方輿紀要隰城故城在汾州府西七十里漢縣又云三國魏省隰城入茲氏皆非也後漢志已無隰成當省入離石去茲氏則遠不得越離石而省入茲氏所言在府西七十里者今亦無其地以當之

水地記圖注云水經原公水出茲氏縣西羊頭山酈道元注曰魏黃初二年西河恭王司馬子盛廟碑文云西河舊處山林漢末擾攘百姓失所魏興更開疆宇分割太原四縣以爲邦邑其郡帶山側塞矣王以咸寧四年改命爵土其年十二月喪國臣太農閻崇離石令宗羣等二百三十四人刊石立碑以述勲德碑北廟基尙存也今按晉書西河繆王斌字子政魏中郎武帝受禪封陳王三年改封西河咸寧四年薨子隱立謚字與水經注微異武帝紀泰始元年十二月丁卯封皇叔父斌爲陳王咸寧三年八月癸亥徙陳王斌爲西河王四年十二月乙未西河王斌薨而碑文稱咸寧四年改命爵土豈其就徙封之國在四

年不復推本言之歟水經注以碑繫之魏黃初二年莫識其故元和志云魏黃初二年於漢茲氏置西河郡然則黃初二年寔魏置西河郡之始黃初二年下當有關文記置郡所起者自黃初二年至晉咸寧四年凡五十八年又二百七年爲北魏太和八年西河郡始治茲氏城吉甫因水經注西河王廟碑在茲氏又繫之魏黃初遂以爲是時卽置郡茲氏非也司馬斌葬茲氏故有廟碑在此其國仍都離石晉書地理志西河郡領縣四首離石蓋魏晉相承皆因漢永和五年以來郡治之舊碑文言其郡帶山側塞宜爲離石而非茲氏甚明況碑末稱離石令宗羣等以該餘三縣魏晉之西河郡未嘗移治茲氏非單文孤證矣又考漢建安十八年省西河郡入太原魏黃初二年復置故碑文云分割太原四縣卽離石茲氏中陽介休也其中陽非復漢縣元和郡縣圖志於孝義縣下云本漢茲氏縣地魏移西河郡中陽縣於今理是也終三國魏未改茲氏爲隰城魏武分匈奴之衆爲五部以劉豹爲左部帥居太原茲氏水經作於魏之季

或云桑欽作非

猶稱茲氏則改名隰城寔始於晉耳

永嘉以後劉淵石勒苻健慕容儁苻堅慕容垂迭有其

地

晉書惠帝紀永興元年匈奴左賢王劉元海反於離石永嘉元年并州諸郡爲劉元海所陷刺史劉琨獨保晉陽元海卽劉淵左部帥劉豹之子也載記大興二年石勒僞稱趙王尋討鮮卑鬱粥於離石悉降其衆城石勒之後苻氏慕容氏彼此相繼其迭有并州諸郡也苻健值晉永和中慕容儁值升平二年苻堅值晉太和五年慕容垂值晉太元中迨北魏皇始元年值晉太元二十年慕容垂卒九月魏軍略地晉川獲慕容買得等於平陶城由是并州入於北魏上距永嘉元年凡八十九年

北魏太延中改置什星軍太和八年復爲隰城縣又置西河郡治茲氏城屬吐京鎮十二年改鎮爲汾州

魏書地形志西河郡晉亂罷太和八年復治茲氏城隰城太延中改爲什星軍太和八年復

按魏之西河郡領隰城介休永安三縣而永安則太和十七年分隰城置吐京鎮延和三年置太和十二年改爲州治蒲子城領西河吐京五城定陽四郡蒲子城在今隰州

孝昌二年郡縣并僑置平陽界而汾州移治西河永安

汾陽縣志 卷一
中縣又僑置汲郡界

魏書地形志汾州治蒲子城孝昌中陷移治西河又
晉州西河郡下云舊汾州西河民孝昌二年爲賊所
破遂居平陽界領縣三永安隰城介休下並云孝昌
中置而義州五城郡領縣三隰城介休五城下並云
永安中置州治汲郡陳城在今河南衛輝府汲縣界
北齊天保七年併省魏末浮置之州郡縣鎮戍是時西
河郡縣宜復其舊而史文闕失北周省齊之汾州以郡
縣屬介州隋初隰城縣仍爲西河郡治蓋北周以來相
承如故也開皇三年郡廢大業三年復置西河郡仍治

隰城縣州廢

北魏太延二年置薄骨律鎮孝昌中改爲靈州東魏
天平中僑置汾州隰城縣界又是時置南朔州於介
休城隋書地理志西河郡下云後魏置汾州後齊置
南朔州後周改曰介州元和郡縣圖志介休下云後
魏明帝時爲賊所破至孝靜帝更修築遷朔州軍人
鎮之因立爲南朔州但領軍人不領郡縣周武帝省
南朔州汾州下云高齊又於此城置南朔州周宣帝
於此置汾州隋大業三年廢汾州考汾州介州之與
南朔州有領郡縣不領郡縣之殊不得云改南朔州

爲介州隋志之言殊疎又南朔州在介休縣元和志
繫之魏孝靜者其言詳覈矣復於汾州下濶稱高齊
又於此城置南朔州謬同隋志一人之書自相矛盾
由地志襍襲羣書前後失檢如是汾州之名起於北
魏太和十二年至孝昌中移治西河則自裴良始而
孝靜帝置南朔州又在其後時已分東西魏矣西魏
別置汾州在今陝西延安府宜川縣東魏別置南汾
州在今吉州北周又改置汾州於今霍州平齊後廢
齊之汾州其郡縣屬介州隋開皇十八年改汾州曰
呂州卽北周所置在今霍州者周隋之汾州皆非西
河郡境而元和志漫云周宣帝於此置汾州隋大業
三年廢汾州疎謬甚矣

唐武德元年改西河郡爲浩州三年復爲汾州治隰城
縣如故上元元年九月改縣曰西河天寶元年改州爲
西河郡乾元元年復爲汾州治西河縣如故屬河東道
舊唐書地理志汾州隋西河郡義旗初領隰城介休
孝義平遙四縣其年割介休平遙二縣屬介休郡武
德元年以介休郡爲介州西河郡爲浩州三年改浩
州爲汾州

考西河之稱見於漢以來者以黃河在冀州西稱爲

西河禹貢龍門西河是也左氏春秋昭公十三年叔魚見季孫曰鮒也聞諸吏將爲子除館於西河杜元凱經傳集解云西使近河禮記檀弓篇曾子謂子夏退而老於西河之上鄭康成注云龍門至華陰之地龍門在夏陽卽今陝西韓城縣史記武侯浮西河而下中流顧而謂吳起曰美哉乎山河之固水經注以浮河事繫之夏陽子夏陵及廟堂繫之郃陽並於魏都安邑不遠秦孝公八年以前踰河而西濱洛之地悉魏境也趙惠文王二年主父行新地遂出代西遇樓煩王於西河而致其兵當在寧武府偏關之外二

十年趙惠文王與秦昭王遇西河外在今河南澠池縣西乃禹貢之南河孔子世家衛靈公問蒲可伐乎孔子曰其男子有死之志其婦人有保西河之志乃禮記所謂東河於趙魏各據在國之西故皆稱西河漢高帝二年韓信擊魏伏兵從夏陽以木罌篲渡軍襲安邑而廣武君曰今將軍涉西河虜魏王張守節云卽同州龍門河從夏陽渡者孔叢猗頓適西河大畜牛羊於猗氏之南猗氏故城在今蒲州府猗氏縣南十里蓋春秋戰國以迄秦漢西河之名徃徃不專目一地如是凡古所稱西河未嘗以名郡縣吳起爲

汾陽縣志 卷一
西河守亦非如後世之郡守特舉龍門西河該河之
左右諸城以西河名郡始於漢元朔四年郡治本在
河西其東南跨河得蘭離石中陽土軍今爲臨永寧
寧鄉石樓諸州縣及永和五年九月乃徙治離石東
觀記西河郡治平定縣離石在郡南五百九里永和
五年以匈奴寇掠徙郡離石是也上距元朔四年凡
二百六十五年又三百四十五年爲北魏太和八年
而西河郡始治茲氏城又二百七十七年爲唐上元
初而縣名亦因之改自始設郡至是凡八百八十五
年

五代時後唐晉漢東漢迭有其地周顯德初置寧化軍
旋復入東漢

五代史周本紀顯德元年四月乙卯汾州防禦使董
希顏叛於漢來附

宋汾州西河郡軍事屬河東路後改汾陽軍事金汾州
屬河東北路提刑司元汾州屬河東山西道肅政廉訪
使所轄之冀寧路而西河縣爲州治不改明初省縣入
州仍領平遙介休孝義三縣

自唐上元初至明洪武初凡五百餘年間此地名西
河縣因北魏以後西河郡治得稱非有取義

宋史地理志河東路汾州西河郡軍事領縣五金史地理志河北路汾州領縣五元史地理志冀寧路汾州領縣四並治西河縣

金天會六年當宋建炎二年置汾陽軍節度使於此元初立汾州元帥府考汾陽軍之名宋宣和以前已有之元史謂汾陽軍起於金非也

萬歷二十三年五月改汾州爲府倚郭設汾陽縣又置冀南道於此屬山西布政使司

明史地理志汾州洪武九年直隸布政司萬歷二十三年五月升爲府汾陽元曰西河洪武初省入州萬歷二十三年五月復置更名

考汾陽之爲縣名漢及隋唐皆非此地漢書地理志太原郡汾陽北山汾水所出水經汾水出太原汾陽縣北管涔山山在今寧武縣西六十里值靜樂縣北百四十里隋書煬帝紀大業四年以離石之汾源障泉鴈門之秀容爲樓煩郡起汾陽宮地理志樓煩郡靜樂有汾陽宮有管涔山天池汾水元和郡縣圖志靜樂縣隋汾陽故宮在縣北百五十里天池在縣北燕京山上周廻八里唐書地理志嵐州靜樂武德四年析置汾陽縣六年省有天池祠有管涔山有隋故

汾陽宮天池在今寧武縣西南四十里汾陽宮在今寧武縣西南六十里又隋志太原郡所領縣有汾陽舊曰陽曲開皇六年改爲陽直十六年又改名焉舊唐書地理志陽曲隋陽直縣武德三年又置汾陽縣七年省陽直改汾陽爲陽曲考今靜樂縣及寧武縣之寧化堡陽曲之西北境皆漢汾陽縣地故隋唐所析置者猶本其舊稱遠在今汾陽縣之北晉書地理志司州河東郡有汾陽縣魏書地形志龍門郡有汾陽縣今爲河津縣境又遠在今汾陽縣之南今縣名卽起於明萬歷二十三年蓋本宋金元汾陽軍之稱以之名縣耳外此如國語夷吾私於公子繫曰中大夫里克與我矣吾命之以汾陽之田百萬史記晉世家夷吾遺里克書曰誠得立請遂封子於汾陽之邑賈侍中云汾水名汾陽晉地而不言所在其地要不出今平陽府境內汾水之滸今太平縣南有地名汾陽爲縣境七鋪之一曰汾陽鋪又有汾陽山雖不必舉以實汾陽之田然可知地近晉都有名汾陽者矣國朝仍之康熙初冀南道裁併於冀寧道

縣之星野當仍晉之分星不改左氏春秋及國語言參爲晉星詳矣唐叔始封在今翼城縣之故唐城城北曰

古堆坡有唐叔虞墓晉水卽晉峽之樂池水後人以太原原有晉水遂謂唐叔始封於彼遠在翼之北且七百里不然矣子產所稱遷實沈於大夏主參唐人是因大夏服虔云在汾會之間是也杜預以大夏爲太原晉陽史記天官書晉之疆占於參罰漢書地理志魏地觜觿參之分杼也趙地昴畢之分杼西有太原定襄雲中五原上黨唐書天文志一行以爲參伐爲戎索爲武政當河東盡大夏之墟此大夏蓋用杜說宋史地理志河東路當觜參之分明史天文志汾州參分

出清類天文分野書成於洪武十七年

縣境於漢屬太原郡漢書泥於太原郡爲七國時趙

地從趙之昴畢分非也趙都邯鄲太原遠趙近魏宜同於魏不得因一時疆域所至定星之分野後代如北魏時以太白晝見在參爲太武幸隰城用兵西河之占此縣境占候明驗也又四星聚觜觿參爲高齊始霸之占則太原晉陽亦觜觿參分矣

疆域

村市戶口風俗附

縣倚府郭東西廣百里南北袤六十五里北至太原府之文水縣界五十里東北至文水縣界四十里至縣治七十里東至平遙縣界四十里至縣治八十里東南至孝義縣界四十里南至孝義縣界十五里至縣治三十

五里西南薛頡嶺寧鄉縣界九十里至縣百四十里西至黃樞嶺永寧州界六十里至州治百七十里西北至永寧州百三十五里至太原府交城界百四十里自縣治東北至布政司二百二十里達京師千三百八十里

縣東與平遙分界大抵以汾水爲限而汾陽縣境有在數年前汾水故道之東者由汾水西徙故也今汾水行平遙界其境有在汾水之西者由汾水東徙故也西與永寧州分界以西山正脊南行左右分水定其疆域至南接孝義縣則西起薛頡嶺循金沙水而東三十餘里渠北爲汾陽渠南爲孝義以下乃交錯於二縣而汾陽之地孤懸於孝義孝義之地孤懸於汾陽者甚多如智裕一村周二十餘里在孝義縣西南越境殊遠蓋自晉至宋分合併省時畫分未清遂相沿至今耳

凡以里名者三十有六

舊五坊十二廂七十八里順治八年新彙爲四坊

節義

坊純懿坊里仁坊五名坊

三十六里又併汾州衛共四十坊里每

坊里額設鄉約四名地方一名

北鄉太和里離城三里曰北郭村四里曰米家莊六

里曰新村七里曰賈家莊十里曰太平村十五里曰
金井村曰耿家井曰解家井曰馬家井董正里離城
十里曰陳家莊十三里曰董寺村十五里曰古浮圖
羅城里離城十五里曰羅城鎮曰小羅城曰孔家堡
贊化里離城十八里曰大相村二十里曰小相村盡
善里離城二十里曰下堡二十二里曰上堡二十五
里曰西南頭曰盡善北曰毛兒莊三十里曰馮家溝
曰郝家溝曰莊兒上四十里曰山莊頭四十五里曰
黃菜坡五十里曰石老村盡善南里離城二十五里
曰盡善村曰上廟村三十里曰永安鎮兩仁里離城
三十里曰官道村曰杜村三十五里曰武家垣曰張
家堡曰西張家堡曰新莊村曰後溝村曰窯頭村曰
西堡三十七里曰小仁岩村仁愛里離城二十七里
曰愛子村三十里曰南浦村四十里曰仁岩鎮曰馬
家街曰文家莊曰北文家莊文會里離城三十五里
曰王家社四十里曰冀村鎮曰古賢莊五十里曰百
金堡曰東橙槽頭曰西橙槽頭和穆里離城四十里
曰尹家社曰李家街四十五里曰狄家社五十里曰
裴家會曰閻家社

西鄉靳家里離城七里曰莊子裏十五里曰義豐村

南頭曰桑棗坡二十里曰圍頭村二十三里曰韓家原
 二十五里曰北社裏曰楊家莊曰賀家莊曰靳家莊
 三十里曰塢頭曰西莊曰林符泉三十五里曰北偏
 城四十里曰中莊裏七十里日子家塢曰社窠裏八
 十里曰五家池宏文里離城三里曰南社村曰大下
 社曰小下社五里曰石塔十里曰花枝村曰南垣底
 十五里曰盧家莊二十里曰盧家園張堡豐里離城
 十五里曰萬戶頭曰南垣上曰寨子上曰河底村十
 七里曰辛莊村二十里曰侯家塢曰張家堡曰白草
 坡二十五里曰下莊曰安家莊三十里曰楊家莊曰

北趙景王曰南趙景王曰趙莊曰下金莊曰上金莊
 曰桑溝村曰後溝村王化里離城五里曰堡城司七
 里曰宏寺村曰北垣底十里曰肅靜村曰前圪坨十
 五里曰蔚家溝十八里曰王家溝二十里曰棗溝曰
 張家坡曰王家圪塔曰溝北村曰上莊村曰下成家
 莊曰熬坡裏二十二里曰上成家莊三十里曰安陸
 莊曰開垣莊曰龍彎裏五十里曰王火莊五十五里
 曰岩頭王民里離城十里曰肅靜村十五里曰後圪
 塔二十里曰相子原三十里曰馮家山底曰韓家原
 四十里曰交口村四十五里曰閻家莊五十里曰任

家莊曰上古城曰下古城五十五里曰馬家莊六十
里曰拐嶺底曰蒼兒會曰高家莊曰韓馮村六十五
里曰蔚家溝曰富家莊七十里曰任家嶂曰趙家莊
八十里曰王家社曰麻峪口八十五里曰半溝裏九
十里曰崖底曰龍溪村曰黑暗村曰劉家嶂九十五
里曰李家會百里曰習家塔百一十里曰寨子溝曰
岳家莊曰下莊百一十五里曰黃崖底百二十里曰
大園裏曰太運村和美里離城十里曰娘娘廟曰褚
家院曰前後莊下曰劉村曰梁家溝曰趙家街曰峪
道河口十三里曰李家溝曰崖頭十五里曰田家溝
二十里曰下均村曰俞家垣曰扁井村曰水泉村曰
宋家莊曰坡頭二十五里曰褚家溝曰馬家舍二十
六里曰石匣子二十七里曰西南莊三十里曰郝家
莊曰向陽鎮曰黃家嶂曰前後基家莊曰上林舍六
十里曰嶺底村孝友里離城三里曰南馮家莊四里
曰北馮家莊五里曰協和堡

卽田村寨

曰田村八里曰李

家莊十里曰下張家莊曰劉家莊曰劉家莊寨十三
里曰上張家莊曰郭家莊

東鄉迎春里離城五里曰古賢村三里曰曹家莊曰
謙塲村曰望春村八里曰陸員莊曰何家莊東南里

離城三里曰昌寧宮曰河北村四里曰西路家莊曰薛家街曰任家莊曰嫌塲村曰吳南社五里曰趙家莊全義里離城三里曰嫌塲村曰趙家嫌塲五里曰東路家莊七里曰韋家莊十里曰義安村曰瀦城曰申家堡馬寨里離城十里曰宣柴堡十二里曰雷家堡十五里曰西馬寨二十里曰中馬寨曰東馬寨曰東河頭蕭莊里離城十五里曰蕭家莊曰八十堡十七里曰康家堡二十三里曰孫家莊恒豐里離城十五里曰安頭二十八里曰東堡莊曰西堡莊曰溫家莊曰白石村三十里曰演武村全澤里離城十二里曰史家堡十五里曰西莊村曰北莊村二十五里曰乾河村二十七里曰司馬莊三十里曰辛愛村中正里離城三十里曰西河堡曰西大王村三十五里曰韓家橋曰上達村曰李家圪塔三十五里曰大王村四十里曰萬化堡溢善里離城二十五里曰青堆二十六里曰魚蘭村曰孫家莊曰高家莊曰大回頭曰東窰莊三十里曰南開社曰宋家莊四十里曰東九支社萃香里離城三十五里曰唐興莊曰辛城村三十五里曰東陳家莊三十七里曰西九支社曰郭家莊曰李家莊三十八里曰東社村

南鄉陽城喜里離城十里曰陽城鎮曰東陽城曰西陽城曰見喜村泉澤淵里離城二十里曰東官村曰西官村曰董和村曰虞城村曰堡會村二十五里曰北辛安曰中辛安曰閻家社武城俗里離城十五里曰東堡村二十里曰師家莊二十五里曰董家莊三十里曰辛愛村曰北小堡四十里曰辛莊村曰東大王村曰西大王村五十里曰北傳頭忠孝里離城十里曰陽城鎮曰陽城堡十五里曰上圍村曰孝臣村曰田屯鎮曰小號城里仁美里離城八里曰喬家莊十里曰文侯村曰牧莊二十里曰段家莊曰靳屯二

十五里曰張多村曰蘓家莊曰智圍村鞏固里離城

十里曰河北裏十五里曰義豐村北頭曰東龍官村曰

西龍官村曰鞏村曰尙文村曰義豐村曰桑棗坡四

十里曰石家莊潤澤洪里離城二十里曰三泉鎮曰

人道村二十五里曰聶生村曰郭家莊曰張家堡曰

任家堡曰趙家堡曰南圍堡曰郭家莊蕩平里離城

三十五里曰東趙村曰西趙村曰東石村曰西石村

曰上莊曰平陸村三十里曰員莊廣貞里離城三十

里曰東賈壁曰西賈壁曰南馬莊曰北馬莊曰圍家

社曰孫家莊五十里曰陽泉曰張家莊曰東武家堡

日各卷頭日南廣成日北廣成日張家莊日西武家
堡日高家莊日盧家莊日東村日石家莊六十里日
南偏城日鄧平坪日南圍城六十二里日東火村日
郭馮村

市集除在城四關外其餘凡十一處

舊志四關每日輪轉東關八日小南關七日南關七
日北關四日西關四日知州白夏續增二日嗣後紛
爭不已更置不一今東關小南關北關西關每關輪
遞一月二月府城隍廟會半月六月縣城隍廟會半
月其餘四鄉市期羅城鎮三九日永安鎮二七日仁

岩村四九日冀村一三五八日見喜村三六九日裴
家會二四六九日田屯鎮四七日三泉鎮五十日陽
城鎮一三六八日小相四六八日盡善四九日又義
豐村演武鎮青堆鎮人道村舊有今無

戶四萬九千九百五十有六男婦大口二十八萬三千
九百四十子女小口十五萬一千五百九十有九

此據
乾隆

三十六年
編戶民數

明洪武二十四年戶萬六百一十有七口八萬五千
七百五十有九隆慶五年戶萬三千六十有二口十
二萬七千八百有六萬歷三十一年戶萬三千六十

有二口十萬五千二百五十有四此見於萬歷中府志者以後縣志不載戶口不可詳稽

縣之風俗薛亨學記云俗尚儉重文義近競豪奢馮琦府治記云民物浩穰俗用侈靡訟獄滋繁

舊志正月五日俗謂之月忌家物不出十六日男婦出郊相牽以遊謂之走百病二十日家作煎餅食俗號填倉二十二日女不用鍼正月晦夜不點燈清明前一日寒食節增墳上土清明後一日名小寒食接女邀婿俗謂請新火四月一日簪皂角葉童男女以紅花子作總佩之六月六日曝衣造麩七月十五日

先一日掛紙馬於田間以祈秋收十月朔爲地臘祀先展墓望日祭天地號閉神門十二月五日煮五豆次日作臘酒臘醋二十三日晚家設餚糖以祭竈俗名辭竈

汾陽縣志卷之二

山川 渠堰津梁附

縣境之山自汾源之右蘆芽山

在寧武府五寨縣南六十里

迤邐而

南迴旋於汾西河東由永寧州之呂梁至縣西黃櫨薛

頡南接孝義縣之狐岐是為西山正脊所經枝麓布分

為羣山而汾川行乎左為縣東地防之限溪澗泉流盡

合文水以注於汾此縣境山川西高東下之大勢也

謁泉山在縣北四十里一名隱泉山隱泉水出焉東流

入於文水水經注曰俗云暘雨愆時是謁是禱故山得

其名其山石崖絕險壁立天劔崖半有一石室去地可

五十餘丈爰有層松飾巖列柏綺望惟西側一處得歷級升陟頂上平地一十許頃後人好古以為子夏居西河教授跡在於斯故是山俗又呼子夏山張守節史記正義始舉西河郡謁泉山石室引隨國集記云此為子夏石室退老西河居此山有卜商神祠李吉甫元和郡縣圖志汾州西河縣下云卜商祠在縣北四十里邑紳曹學閔有西河考詳見藝文

青龍山在縣西北四十里孤峯特立羣山環之左右谿澗流出山頂有泉曰甘泉

白彪山在縣西北二十五里相傳遠古騶虞見此山故名其麓曰壺盧谷原公水出焉東南入文水谷有龍橋洞方廣十丈許闢兩巖間石梁橫續懸溜滴池不絕南為羊耳山石巉峯聳林茂泉飛水經原公水出茲氏縣西羊頭山或云白彪山即羊頭山之異目也今別有山名羊頭山土山戴石東距府治十五里原公水經其下比干山在縣西迤北百里元和郡縣圖志西河縣比干山在縣北百一十里是也

黃櫨嶺在縣西六十餘里東魏武定中大司馬石城郡公斛律金為南道軍司繇黃櫨嶺出襲禰鄒北齊天保三年十月幸雕石遂至黃櫨嶺起長城是也踰嶺而西

至永寧州百有五里嶺西之水合離石水西入黃河
向陽峽在縣西三十五里有關隘名金鎖關巖險插天
中斷如闢延袤三十餘里有澗水入峽東流入文水
鶴鳴洞在縣西十里舊曰西岩古洞

石室山在縣西三十里山多巖洞

府舊志云石室山有空王佛岩麻衣仙洞空王佛後
化介山故今以抱腹巖爲東岩而以此爲西岩麻衣
仙姑汾州任氏女碑記稱生於唐貞觀元年七月廿
有六日不願婚嫁披麻衣入洞中因以名其洞旱禱
輒應

萬戶山在縣西二十里高八十丈延袤二十里頂平曠
又謂之西岡有唐碑刻刺史以下登眺詩漫滅不復識
舊傳趙所封離石侯石嵩葬此山下今亦無可考實

府治西三十里曰石婆神山相傳山無水泉有老嫗
日遠汲以濟人歿而爲神建祠山上其山與萬戶山
相連而在西

石盤山在縣西迤南十里其高峯俗呼西頂

將軍山在縣西南十七里舊傳離石侯牙將趙鼎號白
馬將軍戰死此山民收葬山下故名山與石盤山連

薛頡嶺高五里許在縣西南九十餘里西距寧鄉縣治

五十里東南距孝義縣治百里善利渠金沙水俱導源
是嶺東入文水其西澗谷之水西入寧鄉水合離石水
以歸黃河

汾水出寧武縣西六十里管涔山南流由靜樂西交城
北陽曲西太原東徐溝西復經交城東南至文水之東
其故道折而西轉南經縣東境以下接平遙西孝義東
迤西由介休靈石之北霍州西汾西之東趙城洪洞臨
汾之西襄陵太平之東曲沃西北絳州稷山河津之南
而西入於河其在縣境東西轉徙不定今自文水縣南
接平遙而縣境不濱汾川矣

據水經文水到平陶縣東北又東入於汾原公水過
茲氏縣北又東入於汾平陶故城在今文水縣西南
二十五里似今時汾陽孝義東境文水所經卽水經
汾水故道水經注文水與勝水合又東南入於汾其
注原公水云水入文湖不至汾也似與今改流之汾
水不殊考汾水舊由文水縣東北五十里北安都屈
西至縣南二十五里河南都入汾陽境明萬曆三十
九年東徙由縣東南四十里齊南都入平遙境水之
西岸由文水縣永樂村入汾陽境經尹家社狄家社
閻家社裴家會並縣東北郭家莊東社村李家莊並

東北四九枝社縣東北十五里演武鎮縣東三十里辛愛村縣東

十里少南三師家莊縣東南二十里董家莊縣東南二十五里其平遙縣

羌城之下接入汾陽縣經韓家橋西河堡並縣東南三十五里

大王村縣東南四十里北小堡縣東南四十五里下入孝義縣國

朝順治十一年秋西徙二十里西距縣治二十五里

乾隆三十二年又徙而東不由汾陽縣此汾水東西

轉徙之大致也

汾水舊經汾陽縣東地高河卑瀕河或用桔槔汲水

溉畦明嘉靖中分守冀南道趙祖元疏渠造江浙水

車教民引溉民甚利之後淤徙不常遂廢其平遙介

休汾陽孝義舊渠萬曆二十九年孝義縣知縣周佐

請分四縣水利起十月之朔止次年二月平遙縣於

十月一日至十一月七日介休縣於十一月八日至

十二月十五日汾陽縣於十二月十六日至正月二

十一日孝義縣於正月二十二日至二月終自汾水

轉徙後渠堰悉廢

文水導源交城縣西山出谷逕文水縣俗呼文峪河南

流接汾陽縣之東北境又南得隱泉水原公水金鎖關

水南逕縣東得清溝水又南得薛頡嶺之水又南接孝

義縣東北境又南入於汾

文谷在文水縣北二十里其水自西北來水經文水
出大陵縣西山文谷東到其縣屈南到平陶縣東北
東入於汾酈道元注文水逕大陵縣故城西而南流
有泌水注之又南逕平陶縣之故城東西逕其城內
南流出郭又南右會隱泉水又南逕茲氏縣故城東
爲文湖又東逕中陽縣故城東又東南流與勝水合
又東南入於汾大陵故城在今交城縣西南十里前
隸文水縣後割土安都易之因隸交城平陶故城在
文水縣西南二十五里又水縣志云文峪水在永寧
州孝文山一出交城縣西山半崖龍口一出本縣土

安都泊泊河

縣西五十里

三水合流從文峪口開柵鎮向

東南流今是水自文水縣南流與汾陽縣東北五十

里接境以下逕百金堡

縣東北四十里

南堡村縣東北三十里康

家堡

縣東少北二十里

之東池西轉南逕雷家堡瀦城村申

家堡之東並縣東十里

池東逕北莊村

縣東南十五里乾河村之

東縣東南十八里

轉南逕師家莊之西

縣東南二十里董家莊之東

縣東南十五里

西河堡之西縣東南十五里

池西接孝義縣南

船頭村之西

縣東北十八里

新莊之東

縣東北十三里轉南移東注

汾水昔時於汾陽縣卽與汾會自乾隆三十二年汾

徙而東文水徙而西孝義縣始有文水然考之水經

注文水既合勝水乃入汾與今之水道無異而前後地志所記或過文水縣卽合流蓋汾水既東西轉徙於汾陽孝義東接平遙數十里間文水至此隨其所棄之故道通塞而或因或決亦遂無定此小水附近大水者必然之勢於水之左右相其地形酌用縷隄遙隄之法亦補救之急務也

隱泉水出縣北謁泉山循磴透池東注山下又東逕文水縣西南以下無津渠通流山水盛漲乃趨下地入於文水

水經注文水又南會隱泉水水出謁泉山之上頂頂上平地一十許頃沙門釋僧光表建二刹泉發於兩寺之間東流礪石沿注山下又東津渠隱沒而不恒流故有隱泉之名雨澤豐澍則通入文水今文水縣境呼爲清泉渠南廟碑云文水縣池南五里鄉名樂村乃隱泉之所經泉流自是而澄清可濯故曰清泉原公水出縣西北白彪山麓俗呼壺盧谷故是水又名壺谿語轉字訛遂呼賀魯水泉源所導至今猶留原公池之日俗亦呼馬跑泉鄙語云北魏賀魯將軍駐師於山馬跑得泉或曰禿髮傳檀之子魏世祖賜姓源後又賜名賀者皆非也唐貞觀永徽間西突厥有賀魯其人

汾陽縣志 卷二
屢爲邊患顯慶初始平之然足跡未至河東而茲水之稱原公水以七國時趙襄子之臣原過得名則遠在秦漢前矣一名石鼻溪東南流逕羊頭山北又東逕縣北又東入文水

水經原公水出茲氏縣西羊頭山東過其縣北又東入於汾酈道元注云水注文湖不至汾也案汾水至交城文水二縣下東西轉徙隨時不同故文水入汾或遠或近水經作於三國魏時下至北魏文水右納勝水乃會於汾前此入汾之水改而入於文水耳原公水俗又呼峪道河明嘉靖戊午萬曆乙酉癸巳並

經濬治春初秋末農事不舉自金莊村縣西北三十里分三之一引入城中過此躄則農民資溉田晦 國朝康

熙二十六年循入城故渠通之今復淤塞趙日昌馬跑泉水碑記云峪道河經王化里和美里太和里董正里羅城里其村落則金莊尉家水泉田家溝李家溝劉村莊下太平董寺古浮圖羅城金井五里十二村匯諸泉爲一渠輪流澆灌復開渠引三分之一遠城濠入泮池碑在縣儀門左考峪道河經古浮圖而下由賈家莊陳家莊西馬寨村雷家堡宣柴堡義安村康家堡安頭村北莊村乾河村師家莊入汾此數

年前故道也乾隆三十二年汾徙而東文水從而西於是雷家堡以下舊爲原公水所經今爲文水所經而師家莊以下及孝義縣東舊爲汾川所經今爲文水所經驗之近事數年前故道彷彿與水經合今時水道彷彿與水經注合然則民之田廬衝決漂沒今古同慨司是民者所宜加之意也

峪道河之水有泉曰悶泉舊志云城北八里賈家莊平地渟淵湛澹池闌閤如壁其派漫衍無湍激聲故名旁地多沃穿引藝稻池上建昭濟聖母祠近池產九節菖蒲水蔥剪刀草芊絲絲縛

金鎖關水出縣西三十里關峽一名懸泉水俗呼向陽峽水東流有澗由縣西張堡東流迤北注之又東逕縣北又東入文水舊與原公水同潄於文湖今不復潄蓄矣

此水過向陽村引資灌溉以下恒爲乾澗山水盛漲乃通流其右一澗俗呼禹門河導源山谿至張家堡有泉曰麻窟泉舊志云禹門河城西十里其水會上

林舍

縣西三十里

安家莊張家堡

並縣西二十里

諸泉從河口出

伏沙潛注相傳禹導水至此因名又云麻窟水城西十里水從平地湧出民引溉田東南入汾

文湖在縣東十里水經注云文水南逕茲氏縣故城東爲文湖東西一十五里南北三十里世謂之西湖在縣直東一十里湖之西側臨湖又有一城謂之瀦城水澤所聚謂之都亦曰瀦蓋卽水以名城也自北魏之西河郡治茲氏城唐上元以後又以西河名縣故陂地唐謂之西河泊宋則謂之西河灤元和郡縣圖志汾州西河縣文湖一名西河泊在縣東十里多蒲魚之利宋史河渠志熙寧元年正月復汾州西河灤灤舊在城東圍四十里歲旱以溉民田雨以瀦水又有蒲魚芟芟之利可以給貧民前轉運使王沿廢爲田人不以爲便至是知雜御史劉述請復之明謂之瀦城灤

文湖因文水得名蓋起於晉及北魏之世前後文水往往不及至是已入汾川而文湖所匯汾陽西山之水自洩於汾故宋謂之西河灤以西河縣名之也明謂之瀦城灤以陂側之城名之也若水經注言世謂之西湖則又以陂在文水西得稱後人引水經注改湖爲河以證此地古名西河因乎是謬矣明萬曆四年分守冀南道張士佩令治渠堰俾得宣洩孔天胤碑記云濂濱公以布政左叅政分守冀南開府於汾下車省方問民疾苦則得水之所以爲利害義安里

有渚水一區曰瀕城濼其濼西北受張堡河十八澗之流東南隔汾河二十五里匯不得輪天雨暴漲則彌原淹野敗壞民田凡七里十一村旱則無補於漑公乃察河壩之紆直相水維之弦緩畫方畧定準裁下令鑿渠增堰自灤頭起逕通河口渠長九千二百五十步闊四丈深五尺堰高七尺兩堰基各闊一丈收頂各六尺渠高連堰共深一丈二尺渠有長長有夫其力用里晦之民其易買渠地與犒勞工役用公府之粟由是數百年淤滯之陂一朝通理委輸而會之川渠以衍澇堰以禦衝計民得安好腴田二萬二

千四百畝有奇久之渠水充積猶足以資灌注而退灘之餘又倍利秔麥汾陽縣志云瀕城村一帶舊係文湖深一丈長十五里闊八里文峪河及隱泉諸水皆入而匯爲水澤千頃稻粱莫不待灌而窮民網罟亦資鮮食文湖神廟記迄今可考嘗見東南水利甲於天下者以割田爲湖旱則蓄之潦則洩之雖有凶災而民不困西北之水則又貴蓄而不貴洩文湖當時納而不吐故得常盈不涸金大定間濱湖居民浚渠入汾太守傅公慎徽力爲嚴禁守去終引而注之勸以爲田無論傍湖膏腴多旱曠之虞皆變石田卽

此地亦惟旱年可熟畧有霖霖輒致淹沒但知窪地可田而不知餘田失水也但知低田可耕而不知凶年賠累也今欲全濬爲澤勢必不能當法割田爲湖之意規其半以蓄水導上流會納而勿使通於汾其所鑿地賦均攤於傍湖之田晦庶幾稍免賠糧之害而實獲積水之利矣但愚民當被災之時或亦願行而當收穫之年遂忘貽害

清溝水導源縣西南谿澗東北流右合一泉曰石莊泉

縣西南十里

又東逕縣南入文水

府舊志清溝水在城西南十里出尉陵谿谷會石家

莊水泉經流城南入喬東等村民引以溉田又名董師河

薛頡嶺之水有南北二澗北澗曰谷泉一名善利渠循谿谷東流迤南轉而東北岐爲二左渠東逕陽城之北魏書地形志汾州隰城縣有陽城者也其水東注引資灌溉右渠南流逕陽城西屈而東逕其南又東亦引以資溉分釀之餘東入文水

方輿紀要云善利渠在府西南西山諸泉源會流爲渠東西首尾凡百餘里有溉灌之利劉希參碑記云善利渠自薛頡山尾入汾其源初發曰出谷泉後改

今名首尾百里有奇從靳家莊迤邐漸東四五十里

間始散漫行故陽城見喜乾河等村隨在開築甚賴

其利此明洪武八年修渠碑王廷槐善利渠圖記云府城西南

九十里曰薛頡山善利渠出焉東流十里經王家池

池而東南流二十五里經楊家莊又東五里經靳家

莊又三里經韓家原轉東北流五里經源頭村又五

里經莊子村南平陸村北又東八里經河北村又三

里經牧莊又三里經文侯村又三里至西陽城西北

渠分爲二夾陽城而東其經陽城之北者爲北渠行

五里許至東陽城始可引灌以上渠深地高至此始落平其導而

南轉東者爲南渠行十里許至見喜村始可引灌舊

設水額北渠溉東陽城吳南里二村地凡歷二年有

半南渠溉見喜村地歷一年有半如寅年三月之一

日閉南渠開北渠至辰年七月一日則閉北渠開南

渠午年三月一日復閉南渠開北渠以是循環遞及

三村所溉地百頃有奇餘水匯於文湖以達汾此所

數以兩村相距言其水道迂迴不止此故舊碑云百里有奇

薛頡嶺南澗土人呼金沙水左右汾陽孝義之間左則

靈浮泉東南流注之右則賈壁水出龍隱山東南麓東

北流注之又東版峪水出龍隱山之陽東北流注之又

東三泉谷之水東南流注之又東歷三堰二縣附近隴
晦引渠資溉又東入文水

薛頡嶺之西爲寧鄉縣界循山溝而西與南大井溝
會於蕉山東南嶺東爲澮溝卽金沙水所導源也舊
志靈浮泉城西南四十里趙景王村俗傳景王禱水
而泉應故名三泉水城西南二十里出三泉里山谷
中西接靈浮東南注版峪水其水清冽異常往往瀕
陰結爲層冰經夏不化城市盛暑時則斧破鬻之考
金沙水起薛頡嶺東其澗谷曰澮溝下流俗呼爲義
河孝義縣新志義河一名金沙河又名行春川源出

薛頡嶺東南迂迴一百四十餘里入文峪河自發源
東行三十餘里北爲汾陽南爲孝義又東至龍隱山
轉東南行三十里許有賈壁水自西來注又東二十
餘里有版峪水自西南來注又三里許會汾陽之三
泉河又二十餘里至大鏡城東北入汾陽又二十餘
里歸文峪河賈壁水源出龍隱山東南麓東流二十
里入義河版峪水源出縣西北四十五里龍隱山之
南南繞西溝版谷諸村復東北入義河城北十五里
截義河築堰曰柳坡堰逼水南入渠口東南流爲義
河中堰其上流爲上堰下流爲下堰二堰並溉汾陽

縣地

舊志甘泉井城東門外二十步街北諸井皆苦惟此甘冽初州人鑿井深未及隍而甘泉湧出汲引不竭故以爲名

舊志橋梁太和橋在縣治東大街北古風橋在南郭通濟橋在城南十里陽城村王莊橋在城東北十里陳家莊太平橋在城北十三里太平村南太溝橋在城北盡善村北康家堡渡在城東二十里濟汾處也攀龍橋在城西北二里許董師橋在東郭南門外石家莊橋在城東七里二橋皆清溝水所經瀦城橋萬

歷十四年曹祿修又於東堰上建龍王廟陸安橋在城西十里近山溝塹甚深涉者苦之康熙初冀南道陸公所建故民以公之姓呼是橋

舊志列景致一目曰鶴鳴古洞在長春觀曰馬跑神泉在白彪山曰卜山書院在大相里曰汾水行宮在城東十五里爲隋煬帝汾陽宮曰烟籠賢閣在東郭人美廂丁字路口爲魏文侯式段干木處曰雨漬仙碑在人美廂街北曰文湖漁唱在城東十里曰彪嶺樵歌卽白彪山

道光三十年重修

汾陽縣志 卷二
補遺

黑龍泉在城北五里許洪士村潭深不可測潭上有龍
神廟禱雨輒應汾州知府象曾重修祠宇迄今官私祈
雨者弗絕

黑嶺水源出甯鄉東流由南泉頭迤而轉南廣城北又
五里至東村又五里至陽泉又五里伏沙潛流又五里
始湧出經石村又十里至三泉又五里至聶生邨與賈
壁郭家溝諸水合又東經靳屯田屯過瓠城橋普惠村
南居民引以灌田又東南入文水

續編

汾水自乾隆三十二年東徙久不至汾文水徙而西夏
秋間雨潦從百金堡決口屢漲溢爲患道光十五年汾
水從文水縣南安村西轉與文水合橫入汾境自百金
堡至西雷家堡爲馬跑河隄所阻東西三十餘里成澤
國久之隄決水奔從宣柴堡跨瀦城南北四十餘里亦
成澤國南至董家莊東西河堡西迤西入孝義境及冬
仍歸故道與文水分流水患乃息二十一年汾水再溢
入縣境患如前二十三年水患愈甚七月晦陡從文水
縣麻浦徙而東四野漫流無由種藝汾州知府牛鎮諭
顯道光十八年西雷家堡放水例向南開渠疏導夫南

北均係民田南則占地無多且有舊渠易濬北則濬沒
民田不下數千百頃其利害固不待辨矣文水經水患
後文水縣武都至汾陽百金堡公築堰以遏其勢焉
金鎖關水舊與原公水同潄於文湖自文湖既涸東注
無由遂北轉至西雷家堡宣柴堡等邨入文水道光十
九年雨盛水漲淹沒田廬殆盡汾州知府牛鎮諭尋水
故道向南開渠宣洩疏導民始獲耕西雷家堡宣柴堡
各立碑以紀其事

城池

關隘營汛堡寨附

城故汾州城也城邑考云汾州舊城世傳曹魏所築考
汾州秦漢爲茲氏縣今汾州府之汾陽平遙介休孝義
兩漢並屬太原郡臨石樓永寧寧鄉兩漢並屬西河郡
而太原治晉陽遠在東北幾二百里西河治平定遠在
西北幾七百里永和五年九月西河郡南徙五百九里
治離石在茲氏西百八十餘里漢末郡廢併入太原而
魏黃初二年分割離石茲氏中陽介休四縣置西河郡
縣境始隸西河茲氏晉改曰隰城其名殆因於漢之隰
成在離石西者考漢之隰成其南卽中陽俱濱於河魏

移中陽於今孝義北距漢茲氏纔十餘里而茲氏魏未更名晉之隰城縣治未聞所在方輿紀要仍地志相傳以爲隰城故城在今府西七十里今府西羣山簇擁無其地以當之紀要又引或云三國魏省隰成入茲氏漢茲氏與隰成中隔離石不得越離石而併入茲氏皆不審信也隰城於北魏太延中爲什星軍太和八年復爲隰城縣又置西河郡治茲氏城似郡治與縣治非一地自秦漢至北魏所謂茲氏城者在今府治南十五里北魏孝昌二年西河郡及隰城縣僑置平陽界而汾州移治西河未知其因郡治抑因縣治至唐宋之汾州以後

不復遷徙豈州城卽晉隰城縣故城歟然無可證實矣

元至正十二年知州朱贊重築周九里十三步崇三丈

二尺門四東曰景和西曰靜寧南曰來薰北曰永泰城樓題額東曰汾水環流西曰盤峯聳翠南曰

秦晉通衢北曰鎖鑰雄鎮濠深廣不一明景泰二年修隆慶三年知

州甯策增其高厚崇凡四丈八尺加於前丈六尺下厚

四丈二尺上厚丈八尺五年始甃城萬曆二十三年改

州爲府是爲汾州府城倚郭設汾陽縣 國朝乾隆十

七年縣民賈誠等十六人捐貲繕北城三十七丈五尺

有奇知縣陶敦仁督修完固

東郭堡周九里崇三丈門六東曰賓陽西曰連城南曰迎薰曰通介北曰拱極曰

通嘉靖十九年分守冀南道於敖知州張瑄以東門外
居民殷衆寇警之後築以衛民萬曆六年燹之

南郭堡周五里十三步崇三丈門四嘉靖二十一年知
州張瑄築知州曹寵竟其事

北郭堡周五里有奇崇三丈二尺下厚三丈門四隆慶
三年知州甯策築

西郭堡周三里崇二丈五尺下厚二丈八尺門四

東曰聯盛

西曰威遠南曰明秀北曰安固城樓題額東曰綱維
巨郡西曰保障西陲南曰天險藩籬北曰重關鎖鑰敵
臺四夾門護臺八舖舍十有二濠廣二丈深如之萬曆
十二年分守冀南道梁問孟張一霽知州白夏築

府舊志古蹟有祝融城下云在汾陽縣治之西相傳
祝融所築今廢於城池內有云大城俗名四陽言曰
四面照也又名祝融者亦此義後說近是蓋祝融四
陽皆卽汾州城之俗稱

縣西六十里曰黃蘆嶺北魏武定二年齊獻武王出北
道度赤洪嶺以斛律金爲南道軍司由黃蘆嶺出會於
烏突戍北齊天保三年幸離石遂至黃蘆起長城四百
餘里立三十六戍胡三省以爲此長城蓋起唐石州北
抵武州之境明宣德四年設巡檢司 國朝順治六年
暑毀僦居城內雍正四年裁七年巡撫覺羅石麟以黃

蘆嶺地屬險要復設乾隆二十一年移駐冀村

縣西三十里曰金鎖關在向陽峽岩險插天中斷如關
爲汾石咽喉漢晉以來戍守處也明初置巡檢司尋廢
隆慶元年九月俺荅軍由向陽峽分掠孝義介休平遙
隰州等處復移兵汾州城下攻八晝夜不克乃引去因
增築關城設兵防禦

汾州營叅將一員守備一員外委一員隨營額外外委
二員馬步兵二百二十六名駐劄汾陽縣

舊額設馬軍百四十名步軍千五百五十九名 國

朝額設馬戰兵二百名步戰兵三百名守兵五百名

康熙三十五年裁馬戰兵百四十六名步戰兵百四

十二名守兵二百三十五名尋又裁定額設馬兵四

十名步兵三百九十二名留本營馬步兵二百二十

六名餘分防各營凡馬步戰守兵每名月支米三

斗每斗折銀一錢一分馬戰兵月支餉銀二兩步戰兵一兩五

錢守兵一兩馬每匹春冬月支草六十束每束折料銀一分

豆九斗檢在太原府大盈倉本色豆內支領夏秋月支銀九錢

明洪武二十四年設汾州守禦千戶所在上義坊永

樂十一年改爲永和府移所淨土寺宣德五年建所

於三賢坊宏治五年陞爲衛隆慶初因邊警設汾州

營抽州衛軍千名調平陽衛軍千名取汾州民壯千名統以叅將建署在師垣坊四年罷叅將改設守備萬曆十三年移治西郭崇正初又設叅將卽以守備治爲叅將府後復改守備 國朝順治二年仍設叅將以城西北隅永和府廢宅改爲衙署以縣治西南舊常平倉址改建守備署

舊志汾州營一切軍器帳袋鍋鋤各習自製諸砲火藥鉛鐵子及隨具收給府邑貯庫總鎮馬見伯捐俸設法各營皆置盛甲號衣鮮明汾州衛熟鐵大砲一十三位生鐵小砲二十八位生鐵銃頭二十八枚生

鐵炸砲彈八九生鏹梢柚一百三十一杆餘器照各習自置

縣境分汎設防三處北路三十里曰永安汎

兵三名又北十里爲

文水縣之西路三十里曰向陽汎

兵三名又三十里曰嶺

文星舖汎底汎

兵三名又五里踰黃蘆嶺接永寧州

城北十里曰太平堡十三里曰董寺堡十五里曰羅城堡曰黑浮圖堡十七里曰大相堡二十里曰小相

西堡曰小相東堡城西七里曰田村堡曰協和堡城

西南三里曰望春堡城南五里曰橋東堡曰任家堡

十五里曰攀村堡曰田屯北堡曰田屯南堡曰孝

堡曰靳屯堡二十里曰三泉堡四十里曰馬莊堡
東北二十五里曰盡善南堡曰盡善北堡四十里曰
任岩堡城東五里曰故賢堡曰趙家堡二十里曰康
家堡城東南十里曰陽城堡十五里曰見喜堡城西
十里曰劉家莊寨曰下張家莊寨十三里曰李家溝
寨十五里曰長春寨曰南原寨二十里曰坡頭寨曰
湘子垣寨曰張家堡寨曰宋家莊寨曰成家莊寨曰
白草坡寨二十五里曰安家莊寨三十里曰向陽寨
曰靳家寨曰上金莊寨曰後溝寨城西南三十里曰
趙村寨城南十里曰文侯村寨曰牧莊寨十二里曰
曰西馬寨二十里曰東馬寨

尚文村寨十五里曰鞏村寨二十里曰三泉寨三十
里曰張多寨城東北十里曰成家莊寨城東十五里
曰西馬寨二十里曰東馬寨

官署 倉庫驛舖道路附

縣治在東門內大街北初爲稅課局明永樂十一年改爲州治正統十二年知州李善重建自堂及廡舍如制成化六年知州伍秀建左右鐘鼓樓嘉靖二十八年知州李當萬曆十二年知州白夏相繼修繕二十三年設汾州府以舊守備署改爲府署在州治之南近南城而州治卽爲新設汾陽縣治二十五年知縣蔡成己修國朝順治十一年知縣吳世英修大門及鐘鼓樓康熙年間知縣趙其星平士楨先後重修

典史署在縣治西康熙四十八年典史李錦重修

提督學政察院在縣治西明天啟二年汾州府同知柳白卿通判溫毅然曹祖功永寧州知州沈復禮汾陽縣知縣李作乂平遙縣知縣楊廷謨介休縣知縣孫磐石孝義縣知縣閻夢夔共捐俸建 國朝乾隆六年縣人候選知州郭建瑄捐銀三千七百五十餘兩重修更增拓考棚

冀村巡檢司在縣北四十里本設在黃蘆嶺順治六年署燬遂僦居城內康熙五十二年以守備舊廨分作巡檢驛丞官署雍正四年巡檢驛丞並裁汰七年復設黃蘆嶺巡檢司以未建衙署仍居城內舊廨乾隆二十一年改駐冀村卽將舊廨移建

府舊志察院在師垣坊初御史案臨署按察分司嘉靖三年始改淨心寺爲之分守冀南道在察院東初爲布政分司每歲行部暫一居之嘉靖初定坐鎮於此遂開府焉分巡冀南道在察院西布政分司在察院南偏東按察分司在察院南偏西公館在分守道南長盈倉在師垣坊陰陽學在城東門外醫學在城南門內僧綱司在天寧寺道紀司在城隍廟縣舊志縣丞署在縣正堂西今廢主簿署在縣丞署西今廢分守冀南道缺裁署改黃太僕祠分巡冀南道缺裁

署廢知府張奇抱改建龍亭公館今改棠蔭書院汾陽驛舊在東郭東廂明永樂十一年改今廢移入城節義坊

預備倉在天寧寺後凡五廩康熙五十八年知縣周超於縣治之右復建新倉

府舊志預備倉一在天寧寺後一在縣學東考前明縣學在城外東關立信廂縣學東之倉其廢已久

養濟院在縣治西北

每人按月給米三斗孤老冬衣花布銀十八兩在存留項下支

庫一在縣正堂之西爲架閣庫一在縣正堂之東爲貯銀庫

汾陽驛東至平遙縣洪善驛八十里西至永寧州吳城驛九十里雍正四年裁汾陽驛驛丞歸縣管轄舊款馬三十八匹馬夫十九名歷經裁撥實存馬十二匹夫六名歲支工料銀四百八十七兩六錢八分

丙草料銀二百七十六兩

四錢八分歲用牽厯棚廠等項銀百四十二兩八分馬夫工食銀六十九兩一錢二分

廠夫二十

名歲支工食銀百四十四兩

汾陽驛額馬三十八匹於康熙四十九年撥協朔州

安塘馬六匹夫三名雍正五年裁馬八匹夫四名抽

協殺虎口馬一匹裁夫半名乾隆十年撥協神池縣

馬七匹夫三名半二十五年調撥洪洞縣普潤驛馬

四匹夫二名舊款應支給銀千五百九十九兩二錢六分於內裁驛丞紙紅銀二兩四錢六分裁防夫工食銀五兩七錢六分又裁防夫工食銀二十三兩四分核減夫馬工料銀三百四十二兩裁官支銀五十兩又於雍正五年裁夫馬工料銀二百一十六兩於十年裁馬夫工食銀五兩四錢共裁減銀六百四十四兩六錢六分乾隆三年馬匹加增草料銀三百三十二兩六錢四分抵支剩減銀三百一十二兩二分解冀寧道自雍正五年裁定汾陽驛馬三十四匹十年裁定夫十四名半歲支工料銀千一百三十七兩二

錢四分前此康熙四十九年撥協安塘馬及以後調撥各處共馬十八匹夫八名半本驛實僅馬十二匹官支銀百五十兩共千二百八十七兩二錢四分其撥協各驛工料銀俱解冀寧道

府舊志汾陽縣站銀三千七百六十七兩一錢六釐二毫接遞皂隸工食銀一百二十兩損轎夫五十名工食銀三百六十兩損轎夫工食徵官雇募銀七十二兩外雇夫銀三百兩燈夫接遞油燭銀六兩汾陽驛館夫等役六名鋪陳夫一名共七名每名工食銀七兩二錢共銀五十兩四錢新增汾陽驛防夫四名共銀二十八兩八錢汾陽驛馬騾三十二對歲給草

料工食銀一千七百四十兩八錢在站銀內支給
草料工食銀五十四兩四錢
縣舊志成於順治十三年者開載汾

陽驛馬騾五十四匹頭每年草料工食銀一千九百
四十四兩官支每年銀二百兩紙紅每年銀二兩四
錢六分防夫四名每年工食銀二十八兩八錢共銀
二千一百七十五兩二錢六分站銀內支領剩銀一
千五百九十一兩八錢四分六釐二毫解府支給別
驛舊款接遞皂隸二十名每名工食銀四兩九錢二
分共銀九十八兩四錢接遞不敷臨時外雇夫銀三
百兩走遞損夫五十六名每名工食銀七兩二錢共

銀四百三十兩二錢走遞馬騾二十四匹頭每匹頭草
料銀二十六兩共銀五百二十兩館夫六名共銀四
十三兩二錢

總舖在三賢坊之西舖兵二名又十里曰小相舖舖兵四名又十

北路十里曰太平舖舖兵四名又十里接文水縣之文星舖

里曰郭棚舖舖兵四名又十里接孝義之田屯舖

南路十里曰陽城舖舖兵二名又五里接孝義之田屯舖

東路十里曰潞城舖舖兵四名又十里曰康家堡舖舖兵四名又

十里接平遙縣之白石舖

西路十里曰劉家莊舖舖兵二名又十里曰坡頭舖舖兵二名又

十里曰向陽鋪鋪兵三名又三十里曰嶺底鋪鋪兵三名又二十

里接永寧州之三交鋪

西南路二十里曰三泉鋪鋪兵二名又十五里曰馬莊鋪鋪兵

二名此二鋪新撥接遞石樓縣公文

鋪司兵三十八名每名工食銀六兩共二百二十八

兩

自城而北三里至北郭村又七里至陳家莊又五里

至羅城茶房又五里至小相茶房又十五里至永安

鎮又五里至文星鋪文水縣界

自城而東五里至望城村又十五里至康家堡又五

里至白石村又十五里鄉樂村平遙縣界

自城而東南五里至謙場村又五里至申家堡又五

里至北莊兒又五里至干河上又十里至西河堡又

十里至孔家堡介休縣界又二十里至羅顧府平遙

縣界自孔家堡迤南至張蘭鎮

自城而南五里至趙家莊又五里至陽城又五里至

田屯又十里至腰鋪接孝義縣界

自城而西南十里至牧莊又五里至義豐村又十五

里至石村又二十里至石家莊又十五里至會溝寧

鄉孝義二縣界

自城而西十五里至新莊又五里至張家堡又五里
至南莊又二里至石峽村又三里至郝家莊又三十
里至黃櫨嶺接永寧州界 舊路自城而西三里至
南馮家莊又四里至田村又三里至劉家莊又十里
至坡頭又十里至向陽峽又二十五里至嶺底又五
里至黃櫨嶺自城而西北三里至北馮家莊又十二
里至白草坡又十五里至金莊又十五里至馬跑泉
又五里至交口村又十里至馬家莊又十里至高家
莊又二十里至李家嶂文水縣界又七十里至劉王
嶂交城縣永寧州界

汾陽縣志卷之三

賦稅

民地萬二百三十五頃五十畷七分有奇徵租課銀五
萬六千六十兩九錢四分八釐有奇

府舊志洪武二十四年地六千六百四十六頃四十

一畷二分一釐隆慶五年地六千六百一十三頃三

十一畷二分五釐萬曆十一年地萬七十一頃七十

二畷二分八釐此因奉例丈地遂多出三千四百五

十八頃四十一畷三釐舊制村垆民舍原無稅糧委

官盡行文出兼及荒山陡阪五穀不生之地是以虛

有此數夏稅萬六千一百六十石八斗五升七合四勺二抄六撮六圭七粒八粟秋糧三萬二千四百五

十六石二斗七升三勺七撮七圭萬歷中汾陽縣教諭石炳云萬歷九年

年執政者清查拋荒委官迎合邀功不惟額外虛浮不能均減且將確沙灘增開實數報田多丈三千

四百五十八頃有奇該糧千三百八十餘石當事者為下所蒙遂令抵補澤路沁邊倉而遠沁屬邑借蓋

生奸復欲為彼包賠徭銀大參陳公會建議力阻之而抵補代納遺害今尚如故也縣舊志成

於順治十三年者開載原額共徵夏秋糧四萬八千

六百一十七石一斗二升七合七勺三抄四撮三圭

七粒八粟俱係折色坐價不等併絲絹馬草共派銀

四萬二千五百二十九兩三錢一分二釐三毫二絲

六纖六沙八塵地晦九釐銀九千六十四兩五錢四

分九釐八毫驛站銀三千七百六十七兩一錢六釐

二毫丙上等官水地每晦徵糧一斗共十頃五十五

次等官民地每晦徵糧七升五合共七頃二十八晦

中等平地每晦徵糧五升八合共六千四百七十

一毫五忽中次等坡沙鹹地每晦徵糧三升五勺共三千

十三頃八十五晦四分額外新增豐贍庫夏秋糧一

九釐五毫八絲五忽

石二斗一升九合八勺四抄俱係折色併馬草共徵

銀一兩三分九釐三毫三忽六微八纖新絲絹銀十

六兩二錢五分

又順治十二年清出民地七頃八十三畷九分八釐
六毫徵糧三十一石一斗五升四合六勺八抄八撮
共折銀三十七兩二錢八分三釐三毫一絲三忽七
微二纖七沙五塵康熙十六年清出併續查出隱漏
額外民田地百二十頃二十二畷六分六釐七毫三
絲徵糧三百九十八石一斗一升八合七抄七撮六
圭五粒各徵不等共折色銀四百八十七兩三錢一
分八釐一毫五絲七忽五微一纖六沙三渺七埃六
漠額外河灘退地十頃七十四畷六分九釐六毫每
畷徵銀七分三釐七毫五絲九微二沙五塵八渺四

漠共徵銀七十九兩二錢五分九釐八毫雍正六年
墾額外民田地二頃六十七畷六分八釐三毫徵糧
十二石一斗九升四勺一抄四撮共折色銀十三兩
九錢六分八釐七毫九忽七微二纖五沙七塵六渺
四埃二漠

更名田共地二十二頃二十九畷四分徵糧五十四
石五升九勺共折銀六十四兩八錢六分一釐八毫

內上等地七十畷每畷徵糧五升八合中等地一
二十五畷每畷徵糧三升五勺下等地八十畷每畷
徵糧八合五勺此係慶成府地又上等地一頃三十
畷中等地九頃二十畷五分下等地八頃三畷九分
此係永和府地

歸併汾州衛屯田二十九頃九畝八分徵租課銀七十六兩三錢九分三釐有奇

原款每畝徵糧五升二合五勺七撮七圭八粒一粟共徵糧百五十二石七斗八升七合一勺四抄二撮七粒每石折銀五錢

以上地糧

康熙五十二年欽奉 恩詔以五十年丁冊定爲常額續生人丁永不加賦歲徵均徭銀萬二千二十一兩九錢九分二釐有奇

舊款上上則七千三百六十六丁每丁徵銀四錢八分上中則二千五百九丁每丁徵銀四錢二分上下則千九百五十四丁每丁徵銀三錢五分中上則二千七百四十五丁每丁徵銀二錢七分中中則三千八百三十一丁每丁徵銀二錢中下則三千二百三十二丁每丁徵銀一錢五分下上則三千八百一十三丁每丁徵銀九分下中則三千三十三丁每丁徵銀六分下下則萬七千九百四十丁每丁徵銀三分九釐三毫共徵均徭併辦買本色顏料加增銀八千六百兩八錢二分二釐又地差銀三千一百六十八兩二錢五釐八毫三絲四忽七微一纖二沙五塵順

治十二年清出土著新編人八百八十五丁兩土上
則三十一丁上中則二十一丁上下則四十一丁中
上則五十八丁中中則七十一丁中下則百三十四
丁下上則百三十三丁下中則百六十八丁下下則
二百二十八丁共徵均徭銀百一十九兩二分四毫
十四年清出紳矜優免供丁八百六十二丁俱下下
則共徵銀三十三兩八錢七分六釐六毫又地差銀
九十五兩二錢五分二釐五毫四絲八忽九微八沙
十五年清出吏承優免上上則三丁每丁徵銀四錢
五釐上中則五丁每丁徵銀三錢六分中上則四丁

每丁徵銀二錢七分下上則二丁每丁徵銀一錢三分
五釐下下則十丁每丁徵銀四分五釐共徵均徭
銀四兩八錢一分五釐通共實行差人四萬八千四
百一十三丁徵均徭併辦買本色顏料加增銀八千
七百五十八兩五錢三分四釐於乾隆十年奉文攤
入地糧徵收地差銀三千二百六十三兩四錢五分
八釐三毫八絲三忽六微二纖五塵舊係按糧派徵
歸併汾州衛屯丁徵均徭銀二百九兩六分四釐有奇
舊款上上則三丁每丁徵銀一兩二錢四分五釐八
毫一絲六忽七微二纖上中則七丁每丁徵銀一兩

一錢七釐三毫九絲二忽六微四纖上下則十四丁
每丁徵銀九錢六分八釐九毫六絲八忽五微六纖
中上則三十五丁每丁徵銀八錢三分五毫四絲四
忽四微八纖中中則四十三丁每丁徵銀六錢九分
二釐一毫二絲四微中下則四十二丁每丁徵銀五
錢五分三釐六毫九絲六忽三微二纖上下則百五
丁每丁徵銀四錢一分五釐三毫二絲一忽二微九
纖五沙下中則百四十二丁每丁徵銀二錢七分六
釐八毫四絲八忽一微六纖下下則百八丁每丁徵
銀一錢三分八釐四毫二絲四忽八纖共徵均徭銀
二百五兩一分一釐二毫一絲三忽二微五纖五沙

順治十二年清出土著新編人二十九丁俱下下則
每丁徵銀一錢三分九釐七毫六絲七忽八微二纖
八塵九沙六埃五漠共銀四兩五分三釐二毫六絲
六忽八微六沙

以上丁徭

額外匠價銀二百五十二兩四錢五分

於乾隆三年奉文攤入地糧徵收

酒課銀三百兩

商稅銀千一百七十八兩四錢九分二釐

以上額外課稅

通計地糧丁徭及額外課稅共徵銀七萬九千九百三

錢四分一釐

遇閏年加徵均徭銀十五兩三錢三分三釐

起運戶部項下解布政司銀六萬三千五百五十兩

三錢七分八釐

遇閏年戶部項下解布政司銀六萬三千五百五十三兩七錢一分一釐

內除撥動支驛馬閏月工料銀百一十四兩實解布政司銀六萬三千四百三十九兩七錢一分一釐

解布政司原額本色農桑絲絹銀六兩一錢一分八

釐戶部料價銀四十三兩六錢六分五釐解布政司

黃蠟價值併腳價共銀六錢六分八釐解府錫斤價

值併腳價共銀百一十八兩四錢七分二釐

有留汾陽驛驛站銀三千七百六十七兩一錢六釐

遇閏年於起運內動撥閏月工料銀百一十四兩

內解布政司驛站抵解地

丁銀二千一百六十七兩八錢四分六釐存支銀千

五百五十九兩二錢六分

內裁減及撥協各驛工料銀俱解冀寧道別詳驛遞

官俸等銀三千六百一十九兩六錢四分四釐

府知府俸銀百五兩役食銀三百六十六兩

學快手十名步快手十六名皂隸十六名

庫子四名俱每名工食銀六兩

通判補銀六兩役食銀百七十四兩

十二名

十六兩馬夫一名門子一名皂隸四名府儒學教授俸銀四十五兩

訓導俸銀四十兩役食銀四十九兩三錢三分三釐

齋夫三名門斗三名俱每名工食銀六兩膳夫二名每名工食銀六兩六錢六分六釐五毫廩生

四十名共餼糧銀百二十八兩每名餼糧銀三兩二錢知縣俸

銀四十五兩役食銀六百二十四兩門子二名皂隸十六名馬快手

八名禁卒八名轎夫四名繖扇夫三名庫子四名典

斗級四名更夫五名民壯三十五名捕役八名史俸銀三十一兩五錢二分役食銀三十六兩門子一名

皂隸四名儒學教諭俸銀四十兩訓導俸銀四十兩

馬夫一名役食銀四十九兩三錢三分三釐齋夫三名門斗三名膳夫二名廩

生二十名共餼糧銀六十四兩冀村巡檢司俸銀三

十一兩五錢二分役食銀七十二兩皂隸二名時憲弓兵十名

書紙價銀十兩府學文廟啟聖名宦鄉賢等祠祭祀

銀五十一兩一錢八分風雲雷雨山川社稷八蜡等

壇祭祀銀二十四兩郡厲壇祭祀銀十二兩縣學文

廟啟聖名宦鄉賢等祠祭祀銀五十一兩一錢八分

等處壇祭品銀三兩關帝三代祭品銀二十兩八錢

三勞黃公祠祭祀銀八兩迎春神牛酒席銀一兩

聖壽香講書等銀八兩四錢鄉飲酒禮銀十五兩

冬衣布花銀十四兩一錢六分鋪司兵三十八名

工食銀共二百二十八兩本府歲貢花紅酒席銀六

兩二年一辦者本縣起送赴考貢生花紅酒席等銀

十二兩每年六兩三年一辦者舉人坊牌銀百三十五兩

每年四兩十五兩每年六兩膳錄書手盤纏銀十八兩每年六兩新中舉人以

二名為率花紅酒席旗匾賀儀餞送會試等銀七兩

五錢每年二兩五錢餞送舊舉人以六名為率盤纏酒席銀

九十九兩每年十三兩新中進士以一名為率旗匾賀儀

銀十兩每年三兩三錢三分三釐

以上起運存留

襍稅彙解戶部者徵房田稅契銀六百三十一兩三錢

八分三釐

盈餘銀約二百餘兩

畜稅銀四百六十兩四錢九分一釐

盈餘銀約二百餘兩

煙稅銀百三十五兩九錢八分

盈餘銀約十餘兩

牙稅銀三百二十五兩四錢

據乾隆三十五年奏銷之數上等牙六十三名每名

徵銀一兩二錢中等牙二百九十八名每名徵銀八

錢下等牙十九名每名徵銀六錢

當稅銀五百三十兩

據乾隆三十五年奏銷之數共當百六座每座徵銀五兩

以上襍稅

鹽稅銀九百八十八兩七錢一分二釐有奇縣境舊食鄰近土鹽額行河東鹽二千四百六十五引而不食其鹽惟按引輸稅謂之鹽稅

明萬歷間鹽課汾陽縣額發鹽票九千張每張稅銀六分共銀五百四十兩考引之名始於宋其用引之法卽池驗券按數而出元時每鹽一引重四百斤明初如之後分一引爲二引 國朝順治二年立河東

鹽法時巡鹽御史奏稱陝西之平涼慶陽乃食花馬小池鹽山西太原汾州乃食本地煎鹽舊皆河東所轄以其與河東相近也十三年因議均引目下巡鹽御史酌覆御史朱紱覆稱合照賦役全書丁口數目令各省布政司將領引額丁通盤打算均勻派銷未經均定而御史焦毓瑞以河南俱食解池商鹽易於均派其山西太原汾州遼沁例食本地土鹽食解鹽者平陽潞安二府澤州一州陝西鳳翔例食花馬池鹽食解鹽者西安一府興安一州凡行解池商鹽州縣止有督銷之責而納課之責在商若行土鹽并花

馬池鹽之處則銷引納課之責成併在州縣部議遵定派引刊冊以永遵守雍正八年知府張學林因汾陽縣商人巡丁大爲民害請於上官以民旣輸鹽稅又設商人致巡丁橫行於民不便得請廢商而同知馮雲燦權知府事有按糧攤課之請九年知府崔應階知縣林中柵遂議將鹽課紙價銀攤入地丁項內每正糧一兩攤課一分五釐乾隆二十八年奉布政司檄稱代州交城壽陽三屬鹽課並無商販俱征之民已經攤入地丁統征分解民甚稱便惟文水太谷汾陽平遙介休孝義石樓永寧寧鄉孟縣保德河曲等十二州縣

雖經攤入地丁並未歸併統徵分解係令里老催收或派甲頭彙納以致暗中加派額外浮徵貧窮小民不免苦累應俱倣照代州交城壽陽之例歸於地丁項下統爲徵收分欸起解前此汾陽縣地丁內攤徵鹽課其平餘銀每鹽課一兩加平餘銀一分五釐尙未歸併至是年

知縣顧學潮請正課與平餘雖有分欸寔止一項應統算攤徵於地丁項每一兩攤徵鹽課紙價及平餘共一分五釐三毫六絲三忽四微八纖

乃以二十九年爲始由此豪右因緣爲奸侵刻小民之弊永絕

以上鹽稅

道光三十年重修

補遺

賦役全書屯田地丁實徵款内存留武舉武宴牌匾銀五兩六錢四分此存留條下失載

續編

額外雜稅

嘉慶十二年征收土鹽稅銀一千二十三兩四錢三分一厘

存留

嘉慶六年為移咨事案內添設

文昌祠祭祀銀十

五兩七錢八分

禱稅

道光十七年分奏報數目

一房田稅契銀六百三十一兩三錢八分三厘

盈餘銀二百六十六兩一錢二分七厘

一畜稅銀四百六十兩四錢九分一厘

盈餘銀二百五兩四錢四分九厘

一煙稅銀一百三十五兩九錢八分

盈餘銀十六兩五錢二分

一牙稅銀二百六十九兩二錢

一當稅銀三百兩

鹽稅

酒稅

茶稅

糖稅

紙稅

布稅

皮稅

木稅

石稅

土稅

瓦稅

磚稅

石灰稅

煤炭稅

鐵稅

銅稅

鉛稅

錫稅

銀稅

金稅

海國圖志卷之三